

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2992 del 28/09/2022

Traduzione in ladino

Dans a cajon del catitemp te Fascia, per contribuc e refonudes domanes dal 1m de otober ai 31 de dezember del 2022

Se pel portèr dant la domanes per ciapèr i contribuc e la refonudes pervedudes per i dans abui a cajon del catitemp te Fascia, stat ai 5 de aost, dal 1m de otober ai 31 de dezember del 2022. La prozedures de referiment les pearà via a tachèr da la dì do l termin utol per portèr dant la domanes. Dezijion toute su da la Jonta provinzièla che, aldò de la proponeta del president, l'à aproà n provediment, con chel che l é stat stabilì i criteries e la modalitèdes per la conzescion a sogec privac di contribuc e de la refonudes pervedudes da la lege provinzièla en cont de protezion zivila.

L provediment l é stat tout su do dai zertamenc tecnics e da la valutazions de stima metudes a jir dessema coi comuns touc ite (Sèn Jan, Ciampedel e Mazin), e tegnù cont de tant che i dans i é grieves, da la sort di dans, di sogec e del contest sozio-economich tout ite, estra che de la ressorses fianzièles a la leta.

I contribuc e la refonudes pervedudes (art. 74 de la l.p. n. 9 dai 2011) les é outes a slejierir i cos che à i sentadins per meter a post i dans abui per chesta sorts de bens e atividèdes:

1. cèses e sia pertinenzes, tout ite i impianc e i lurieres per portèr demez l materièl, mobilia e èrc prinzipèi;
2. auti privac.

Col provediment tout su l é stat ence ressèrvà la suma per la speisa de 500.000 euro sul an finanzièl 2023. Vedù che te chest moment, l é amò en cors l zertament di dans a la atividèdes economiches, l é stat considerà benfat ge dèr su a n auter provediment l'aproazion di criteries spezifics per la conzescion de contribuc per chisc setores.

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)